

Marijana Mišić, dipl.edukator-rehabilitator - Završni magistarski rad

Fakultet/Akademija	EDUKACIJSKO REHABILITACIJSKI FAKULTET
Tip Rada	Završni magistarski rad
Kandidat, zvanje	Marijana Mišić, dipl.edukator-rehabilitator
Naziv Teme	Stavovi društva i nivo socijalne distance prema osobama s intelektualnim teškoćama
Rezime/Abstract	<p>Predmet ovog istraživanja obuhvata stavove i nivo socijalne distance prema osobama s intelektualnim teškoćama kod pripadnika šire društvene javnosti. Problem istraživanja predstavlja generalno ne poznavanje stavova šire društvene zajednice prema osobama s intelektualnim teškoćama kao i vrstu i intenzitet mjera koje je potrebno preduzeti kako bi se javnost senzibilizirala i educirala o mogućnostima i pravima osoba s intelektualnim teškoćama. Cilj ovog rada bio je ispitati stavove šire društvene javnosti o osobama s intelektualnim teškoćama i utvrditi stanje i nivo socijalne distance prema ovoj populaciji osoba sa invaliditetom. Također, cilj istraživanja je i utvrditi razliku u stavovima i stanju socijalne distance u odnosu na spol, dob, zanimanje i stručnu spremu osoba obuhvaćenih ovim istraživanjem. Uzorak ispitanika (N=333) činile su osobe različite dobi, spola, stručne spreme i zanimanja izabran metodom slučajnog izbora sa područja Bosne i Hercegovine. Jedini kriterij kod odabira uzorka je taj da su to osobe koje nemaju nikakav lični, niti profesionalni doticaj sa osobama s intelektualnim teškoćama. Za potrebe ovog istraživanja korištena je Skala socijalne distance i to njezina subskala Multidimenzionalni upitnik o stavovima prema mentalnoj retardaciji. Za statističku obradu podataka korišten je statistički paket SPSS 20.0 for Windows., a obrada je uključivala: aritmetičku sredinu, standardnu devijaciju, t-test i analizu varijance. Rezultati istraživanja ukazuju da je većina ispitanika pokazala pozitivne stavove i nizak nivo socijalne distance prema osobama s intelektualnim teškoćama. Varijable spol, dob i nivo stručne spreme imaju djelimičan utjecaj na stavove i nivo socijalne distance ispitanika prema osobama s intelektualnim teškoćama jer su statistički značajne razlike uočene na pojedinim faktorima. Statistički značajne razlike u odnosu na vrstu zanimanja nisu pronađene. Ispitanici svih kategorija zanimanja podjednako izražavaju pozitivne stavove i manji nivo socijalne distance prema osobama s intelektualnim teškoćama. Ključne riječi: stavovi, nivo socijalne distance, osobe s intelektualnim teškoćama</p>
Datum	10.07.2015
Predsjednik	Dr. sc. Medina Vantić-Tanjić vanredni profesor za užu naučnu oblast „Intelektualne teškoće“ (ekvivalent novoj užoj naučnoj oblasti Specijalna edukacija i rehabilitacija“), Edukacijsko-rehabilitacijski fakultet Univerziteta u Tuzli
Mentor	Dr. sc. Milena Nikolić, docent za užu naučnu oblast „Intelektualne teškoće“ (ekvivalent novoj užoj naučnoj oblasti Specijalna edukacija i rehabilitacija“), Edukacijsko-rehabilitacijski fakultet Univerziteta u Tuzli
Član komisije	Dr. sc. Alma Dizdarević, vanredni profesor za užu naučnu oblast „Specijalna edukacija i rehabilitacija“, Edukacijsko-rehabilitacijski fakultet Univerziteta u Tuzli
Član komisije	-
Član komisije	-
Zamjenski član	dr.sc. Amela Teskeredžić, vanredni profesor, uža naučna oblast „Oštećenje vida“ (ekvivalent novoj užoj naučnoj oblasti „Specijalna edukacija i rehabilitacija“) na Edukacijsko-rehabilitacijskom fakultetu Univerziteta u Tuzli
Dodatni detalji i lokacija	Dana 10.07.2015. godine u 10,00 sati u Sali za sjednice Edukacijsko-rehabilitacijskog fakulteta Univerziteta u Tuzli
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.